

大清宣統新法令

第十二冊

大清宣統新法令第十二冊

目錄

上諭

外務部奏擬設駐紮巴那瑪總領事各官員缺揀員派充摺

禮部奏禮學館辦理情形並詳擬分年辦法摺

度支部奏核覆護滇督奏酌定司道各官公費摺

吏部奏酌議陸軍貴胄學堂畢業人員補缺班次摺

會議政務處奏遵議繼祿代奏張仲元等呈請變通太醫院官制摺

附會議政務處奏續議太醫院遞升官制請旨施行摺

會議政務處奏議覆督辦川滇邊務大臣趙爾豐奏德格土司納還

全境請改土歸流摺

學部奏擬定京師及各省圖書館通行章程摺併單

學部奏頒布初等小學教科書摺

農工商部奏遵章豫籌次年農工商政實行辦法摺

又奏憲政編查館單開各節量爲變通亟爲籌辦片

分類

頁數

官制

一

憲政

一

任用

二

任用

三

官制

五

官制

六

官制

六

教育

七

教育

九

憲政

十

憲政

一

民政部奏遵章調查第一次人戶總數摺 併單

民政 一二

農工商部奏請就產茶省分設立茶務講習所摺

實業 一四

郵傳部奏擬訂船路電郵四政專律並開辦大概情形摺

交通 一四

郵傳部奏豫陳次年籌備實情恭摺

憲政 一五

民政部奏專案奏報各省廳州縣巡警年內粗具規模情形摺

憲政 一六

民政部會奏議覆熱河都統奏擬設隆化縣並移縣治摺

官制 一七

度支部會奏併案覈議川鹽廢票改官摺

財政 一八

憲政編查館奏核定禁煙條例摺 併單

民政 一九

憲政編查館奏請 通飭京外各衙門設立憲政籌備處並恭書

上諭懸挂摺

憲政 二一

憲政編查館會奏彙案會議禁革買賣人口舊習酌擬辦法摺 併單

司法 二二

民政部會奏議覆御史劉顯曾奏請妥議警務學堂畢業給予出身

摺

民政 二六

度支部奏調查各省歲出入款項總數摺 併單

財政 二七

法部奏籌訂狀紙通行格式章程摺 併單

司法 三〇

大理寺奏遵章預陳次年籌備實情摺

憲政 三三

法部奏申明罰金定章並酌擬詳密辦法摺

司法 三四

憲政編查館奏議覆吳士鑑奏請申明議案權限摺

憲政 三五

又奏議覆各省行政司法官吏宜慎擇人片

任用 三七

憲政編查館奏核議沈家本等奏編定現行刑律摺

司法 三七

又奏請飭修訂法律大臣另編重訂現行律片

司法 三八

法部奏預擬宣統二年應行籌辦事宜摺

憲政 三九

又奏法官懲戒章程等應俟會商妥協分別具奏片

任用 四〇

學部訂定各學堂畢業文憑并條例劄行各省提學司文

教育 四一

學部札飭各省提學司翻印部編各種教科書文

教育 四一

學部札發簡易識字學塾課本樣式通飭翻印文

教育 四二

學部札發高等初等小學各種教科教授書通飭翻印遵用文

教育 四二

學部劄發初等小學教科教授書續行各省提學司翻印文

教育 四二

學部劄發續出初等小學各種教科書通飭翻印遵用文

教育 四二

學部通咨各省查擇京師及河南省改良私塾章程切實辦理文

附章程

教育 四三

民政部頒發給國籍執照簡章

民政 四八

憲政編查館咨覆外務部調查教堂與外交無涉并通行各省嚴飭

調查各員一體妥辦等文

憲政編查館咨法部通行京外審判及問刑衙門遇有民事案件須

遵奏定各節辦理文

民政 四八

司法 四九

大清宣統新法令第十二冊

上諭

上諭朕敬維 列祖 列宗至仁極聖臨民敷政無時不廣開言路博採羣謀朕御極以來勤求治理於嘉言直諫凡有益於國計民生者罔不虛衷采納見諸施行卽由該長官代奏者亦必詳加披覽酌核辦理惟近來建言諸臣其直言敢諫披瀝忠忱者固不乏人而懷挾私見及毛舉細故不知大體者亦嘗有之否則毫無建白緘默偷安甚負朕殷殷求言本意自此申諭以後朝廷寬其既往嚴其將來其有言責諸臣暨代奏抒誠進言者果能關懷時局爲國爲民條陳得當朕不但立准施行且加以獎敘倘敢如前不悛任意嘗試亦必予以懲處不貸用示廣納忠言勵精圖治之至意欽此 十二月初四日

諭旨會議政務處奏遵議繼祿代奏太醫院院使張仲元等呈請變通官階請欽定施行一摺太醫院院使著定爲四品餘依議欽此 十二月十二日

諭旨農工商部奏遵章預籌次年農工商政實行辦法一摺又奏憲政編查館原單所開應行酌核更定各節已量爲變通亟爲籌辦一片均著憲政編查館知道欽此 十二月十七日

上諭據都察院奏代遞直隸各省諮議局議員孫洪伊等呈請速開國會一摺披覽均悉具見愛國惻忱朝廷深爲嘉悅朕仰承先朝付託之重於預備立憲之要政當御極之初卽布告內外仍以宣統八年爲限業經明定國是上體求治未竟之

聖懷下慰薄海維新之企望欽惟我孝欽獻皇后德宗景皇帝前降諭旨實

係斷自宸衷定以九年預備爲大清帝國君權立憲政體並諭曰大權統於朝

廷庶政公諸輿論此天下臣民所共見共聞也今朝廷宵旰憂勞勤求上理已疊次申諭責成京外各該衙門切實依限次第辦理深冀議院早爲成立以固邦基惟我國幅員遼闊籌備既未完全國民智識程度又未畫一如一時遽開議院恐反致紛擾不安適足爲憲政前程之累非特朕無以慰先朝在天之靈試問爾請願代表諸人其何以對我四萬萬國民之衆乎朕開誠布公無所隱飾總之憲政必立議院必開所慎籌者緩急先後之序耳夫行遠者必求穩步圖大者不爭近功現在各省諮議局均已舉行明年資政院亦卽開辦所以爲議院基礎者具在於此但願我臣民各勤職務計日程功毋驚虛名而墮實效茲特明白宣示俟將來九年預備業已完全國民教育普及屆時朕必毅然降旨定期召集議院庶於勵精圖治之中更寓慎重籌維之意將此通諭知之欽此

十二月二十日

上諭憲政編查館奏核訂民政部修訂法律大臣會奏禁煙條例開單呈覽一摺禁除

鴉片最爲中國自強要政歷奉 先朝諭旨飭令嚴行查禁並節經頒定章程俾資遵守本年復重申誠諭責成京外各衙門認真辦理所爲加以訓勉示以防制者不爲不至現在各省奏報種植罌粟淨盡者已有多處人民戒除者亦逐漸加增亟應明定懲戒之法方足以清蠹害而維久遠查閱所擬核訂禁煙條例於應行懲罰諸端尙爲周備應卽宣布京外一體實行所有未報種植禁絕各省分該督撫務須督飭地方官將禁種罌粟設法酌縮年限以圖及早廓清已報禁絕者尤當隨時查察如果毒卉復萌卽屬違背定章自必按照條例施以懲戒其京師各衙門歷次奏定禁煙章程並各省奏請變通年限曾經允行者均應作爲定章如有違背概照條例治罪京外大臣有統轄地方官吏之責者倘敢始勤終怠陽奉陰違亦必予以懲處總期痼疾漸次消除民生日臻強盛實有厚望焉欽此

十二月二十日

大清宣統新法令第十二冊

●外務部奏擬設駐紮巴那瑪總領事各官員缺揀員派充摺

竊查中美洲巴那瑪舊隸哥倫比亞國管轄近年離哥獨立美國首認保護借美款開巴那瑪運河以通太平洋航路西歐諸國皆將改道於此工商麇集實爲南北美轉運之要衝英法各國均設有領事華僑在該埠貿易約三千餘人商多工少營業頗稱發達祇以未設領事官時有被虐情事光緒三十三年八月巴那瑪外部大臣照會臣部議派穆來諾司充中國總領事駐紮香港辦事經臣部發給認准文憑照章接待併聲明嗣後中國如派員前往巴那瑪亦應一體待遇以爲他日設領之左券上年九月巴那瑪新任總統卽位其外部大臣託駐美使臣伍廷芳寄遞國書經臣部請旨答復如禮本年六月間該埠華僑電稱被虐苦況兩廣總督張人駿咨商臣部議籌設領事或別籌保護辦法當經電知伍廷芳就近調查旋准函復到巴後謁見巴總統極承優待因述保護華僑欲設領事之意彼頗首肯等語似此情形亟應設立巴那瑪總領事由臣部揀派熟悉外情人員前往駐紮以資保衛所有一切開辦常年經費俸薪章程均照坎拿大美利濱新設總領事辦法添設二等通譯官一員二等三等書記官各一員以資辦公而符成案茲查有溫哥華正領事江蘇候補道歐陽庚堪以升署駐紮巴

那瑪總領事官其二等通譯官請以溫哥華領署二等通譯官留學美國畢業生歐陽琛調署二等書記官請以溫哥華領署二等書記官廣東候補從九品章清鑑調署其三等書記官請以候選通判繆蔚植試署以上各員均請仍留原官原銜先行試署果能得力再行照章查核奏請實授如蒙 俞允卽由臣部刊刻關防劄飭該員等遵照並咨行出使美墨祕古國大臣照會巴那瑪外部大臣轉飭接待謹奏宣統元年十二月初六日奉 硃批依議欽此

●禮部奏禮學館辦理情形並詳擬分年辦法摺

竊臣等前奏遵 旨籌備憲政擬將修輯禮書迅速蕆事以便頒行各緣由聲明在案查禮學館於本年閏二月開館總理內閣學士臣陳寶琛卽於三月二十一日到館與臣等規畫修書次第擬先以一年期內詳校通禮原書集在館纂修人員分任篇卷凡新禮廢禮應增應損諸條目逐一考訂各抒見解又復互相參校以衷一是除事體重大應行奏明請 旨外其有衆說從同疑義已晰則擇善改正繕寫時黏簽標明於下以備恭呈 御覽次擬以一年期內纂修民禮凡自士大夫以下民間之昏喪祭禮及輿服用宮室之類必應明秩序而辨等威者又自禮訓而外 本朝之法律會典則例暨現修政書之屬所以正風俗而彰軌物者昔爲通禮原書所未備今當博采慎取而補編則亦廣集詢謀蒐羅羣典以求詳贍其昏喪各禮惟當仰體 朝廷整齊民物

期於滿漢皆可通行之 諭以定宗旨限以一年草創一年潤色統計不出三年期內增訂通禮原書與續輯民禮各編一律告成現自開館以來館員按照規程已將通禮原書次第互校參以論說所有更正之處經總理臣陳寶琛分別彙核簽識頗明陳寶琛前因事請假回南據奏稱館中續繳功課均經攜帶行篋隨時覈辦不致有所曠誤此本年開辦以來之實在情形也臣等竊惟修明禮教事極繁重固不宜草率從事惟是憲政籌備期限甚嚴禮制與政治息息相關編訂刻不容緩前奏擬以三年成書亦因亟待頒行不能不明立定限現計在館各員除孫鼎烈一員因老病自行辭退外尙逾奏定原額足數分任各纂修等皆係績學通儒於禮學講求有素第民間禮俗五方各爲風氣其應行提議者不下數百十條調查討論頭緒極繁非如 朝 廟典章粲然具備間有闕漏補訂無難若稍觀望遷延深恐成書無日臣等有督率之責不得不先事圖維現陳寶琛假期已將屆滿該總理老成宿望學識宏通必能始終其事擬俟其到京後再與切實會商將已校編目催督分纂繕成稿本期不越一年之限以後卽可以全力專纂民禮仍由該總理安定條例嚴立課程俾可迅速歲事除各省禮俗表尙未一律送部由臣等分別咨催並新定之賓禮學禮軍禮咨行外務部學部陸軍部速行編送外謹奏宣統元年十二月初六日奉 旨知道了欽此

●度支部奏核覆護滇督奏酌定司道各官公費摺

據護理雲貴總督沈秉堃奏酌定司道各官公費一摺宣統元年十月二十一日奉
硃批該部核覆具奏欽此欽遵由內閣抄出到部查原奏內稱滇省司道各官爲通省
官場之表率查提規費酌定公費自應先從司道及首領各官入手以立始基核查藩
司入款綜計冊費針費扣款平餘邊餉平餘契尾領費暨寶雲局管庫薪水每年約共
銀四萬餘兩臬司年入緝捕經費銀三千兩冊費銀一千二百兩糧道年入冊費添針
解費執事費暨南關地租約共銀六千餘兩鹽道年入冊費針費平餘票費緝私經費
大小差費約共銀一萬四千餘兩迤東迤西兩道每月各支練費銀一百兩冊費銀二
百兩迤南臨安開廣兩道每月各支練費銀一百兩冊費銀一百兩均由釐金局支給
又藩庫大使年入針費平餘約共銀七八千兩鹽庫大使年入針費平餘票費緝私經
費辦公幫貼約共銀二千一百餘兩以上各款均請一併掃提歸公其照章應定公費
擬除額支養廉外藩司酌定按月支用公費銀二千兩交涉司仍照奏定原案除外交
經費外年支公費銀六千兩提學司原案年支公費銀八千兩擬再加籌銀四百兩每
年共支銀八千四百兩臬司年支公費銀八千兩糧道年支公費銀五千二百八十兩
鹽道年支公費銀七千二百兩勸業巡警兩道原案各年支公費銀二千兩擬加支銀
二千兩每年每缺共支銀四千兩迤東迤西兩道各月支公費銀三百兩迤南臨安開
廣兩道各月支公費銀二百兩藩庫大使年支公費銀四千兩鹽庫大使年支公費銀

一千四百兩藩經歷缺分最苦僅恃印送時憲書由各府廳州縣幫貼工料名目不正應卽革除按年准支公費銀二千兩均一律自宣統元年七月初一日起由善後局分別支發作正報銷其掃提歸公各款亦自七月初一日起全數解歸藩庫存儲入冊造報通盤核計有盈無絀倘尚有漏未查出之款不論年月遠近均自本年七月初一日起照數飭繳似此澈底釐定庶官吏無立收之款財政有統一之權積弊一旦廓清預算不難確定等語臣部查各省酌定公費一項前經臣部於奏定清理財政章程第二十七條摺內聲明官俸章程未經奏定之先除督撫公費業由會議政務處議籌外其餘文武各署應由清理財政局調查情形一面稟承督撫及臣部酌定提出各項規費除津貼各署公費外概歸入該省正項收款等因行知遵照在案今該省查提規費酌定公費通盤核計尙屬有盈無絀自應暫行照准仍俟各省報齊再由臣部擬定劃一數目以歸一律謹奏宣統元年十二月初九日奉 旨知道了欽此

●吏部奏酌擬陸軍貴胄學堂畢業人員補缺班次摺

宣統元年九月十一日內閣奉 上諭陸軍部奏陸軍貴胄學堂畢業學生照章引見按照等第謹擬獎勵辦法請分別錄用優予出身一摺所有考列上等之世襲二等子爵成全著賞給大門二等侍衛世襲二等男爵二等侍衛恩厚著賞升頭等侍衛世襲二等子爵兼世管察哈爾佐領福蔭著賞給大門二等侍衛世襲一等男爵祥琳著賞

給大門二等侍衛和碩額駙品級二等侍衛世襲恩騎尉富克錦著賞升頭等侍衛考列中等之世襲二等男爵煜貴著賞給大門三等侍衛三品頂戴應封將軍宗室善鐸著賞給大門三等侍衛委散秩大臣分獻大臣世襲一等信勇公兼勳舊佐領錫明著賞挑乾清門侍衛三品頂戴應封將軍溥琳著賞給三等侍衛奉國將軍毓逖著賞給大門三等侍衛考列上等之分省試用知府陳昌穀著以道員分省補用法部候補主事魁瀛著以三等侍衛用 定陵禮部郎中光泰著以陸軍部郎中儘先補用俟補缺後以應升之缺升用主事銜郭則涑著補授陸軍副軍校宗人府候補筆帖式宗室常貴著以四等侍衛用主事銜張璈著補授陸軍副軍校貴筠著以陸軍部主事學習法部八品錄事宗室松生著以四等侍衛用候選道法部郎中劉朝望著以陸軍部郎中補用俟補缺後在任以應升之階儘先升用陸軍部候補員外郎文厚著作爲本部郎中儘先補用宗室榮華著補授陸軍副軍校郵傳部學習郎中克興額著以陸軍部郎中學習俟補缺後在任以應升之階儘先升用禮部學習筆帖式成蔭著以藍翎侍衛用宗室希敬著補授陸軍副軍校宗室毓麟著以陸軍部主事學習宗室毓莊著補授陸軍副軍校徐傳元著以陸軍部主事學習宗室豐申著以主事分部學習分省試用知縣李晉祥著以藍翎侍衛用度支部學習主事錢承懋著以三等侍衛用選用理事官宗室寶文著以陸軍部郎中補用俟補缺後在任以應升之階儘先升用宗室

薩佑著補授陸軍副軍校吏部學習主事宗室厚良著以三等侍衛用宗室繼質著補授陸軍副軍校宗室長縝著以陸軍部主事學習宗室榮良著補授陸軍副軍校驍騎校崇勳著以印務章京儘先升用宗室頤慶著補授陸軍副軍校大理院學習六品推事宗室志清著以三等侍衛用選用筆帖式國源著以陸軍部主事學習知縣用安徽試用縣丞顧思範著以陸軍部七品小京官補用陸軍部候補主事慶格著作爲本部員外郎儘先補用宗室玉輝著補授陸軍副軍校宗室玉崑著以陸軍部主事學習法部候補筆帖式齊敏著補授陸軍副軍校同知銜候選通判湖胡同林著以四等侍衛用宗室銅錕著補授陸軍副軍校宗室柏崑著以陸軍部主事學習忠旭著補授陸軍副軍校宗室毓翰著補授陸軍副軍校陸軍部學習主事宗室濟昌著作爲本部員外郎儘先補用宗室麟淮著補授陸軍副軍校宗室謙順著以陸軍部主事學習陸軍部筆帖式選用知縣盛格著作爲本部主事儘先補用宗室錫泉著補授陸軍副軍校候選七品筆帖式恆緒著以陸軍部主事學習宗室文林著補授陸軍副軍校宗室溥經著補授陸軍副軍校候選通判繼馥著以四等侍衛用宗室世昌著以陸軍部主事學習內務府卽補郎中立賢著以三等侍衛用宗室連通著補授陸軍副軍校陸軍部學習主事鍾麟著作爲本部員外郎儘先補用宗室存昌著補授陸軍副軍校考列中等之宗室恆琿著補授陸軍協軍校龔齊坊著補授陸軍協軍校奉純著補授陸軍協軍

校宗人府候補筆帖式宗室志庚著以陸軍部筆帖式儘先補用補用驍騎校麟濟著仍以驍騎校儘先補用宗室樂欽著補授陸軍協軍校候選知縣姜兆璜著以陸軍部七品小京官補用德玉著補授陸軍協軍校宗室德通著補授陸軍協軍校同知職銜賢麟著以陸軍部七品筆帖式學習陸軍部學習郎中耆年著仍以郎中歸本班儘先補用宗人府候補七品筆帖式宗室溥露著補授陸軍協軍校選用知州璧瑜著以陸軍部員外郎學習宗室恆寅著補授陸軍協軍校三等侍衛松年著以二等侍衛記名宗室毓英著補授陸軍協軍校麟昭著著補授陸軍協軍校、昌陵禮部郎中光瀛著在任以應升之階升用步軍統領衙門學習員外郎良豫著仍以員外郎歸本衙門儘先酌補廕生常麟宗室熙昌松著承啟均俟廕生引見時再行降旨欽此又本年十月十六日內閣奉上諭本日引見一品廕生前陸軍貴胄學堂畢業考列上等之松著著以陸軍部郎中補用二品廕生前陸軍貴胄學堂畢業考列上等之常麟著以陸軍部員外郎補用欽此欽遵抄出到部除宗室畢業各員及以侍衛軍職等官用者應由宗人府陸軍部侍衛處另行辦理外查臣部例載奉 旨指明以何衙門補用卽用人員毋庸奏留遇有應留缺出准該堂官儘先奏補不積勞績資深班次奉 旨分部學習行走分部以何官用者奏留後歸入資深班內與資深人員比較奏留日期先後挨次補用又進士以部屬用者掣簽分部在額外主事上學習辦事俟三年期滿奏留後